

# kontuola

KONTUOLA, Idolaz elkarte, ANTZUOLA. Kazetaria: Marijo Deogracias Erredakzio kontseilua: Miren Anduaga, Gotzon Iparragirre, Patxi Kortabarria, Jone Larrañaga Testuen zuzenketak: Mariñi Laskurain, Lierni Legorburu Telefonoa eta faxa: 76 65 08, Herri ikastetxea.

Antzuolako hamabostekaria, 17 zenbakia. 1998ko maiatzaren 22a.

## Kale publizitatea arautu du Udalak

### Publizitatea Udalak onartutako lekuetan ipini beharko da

Udalak "toki eta bide publikoetako publizitatea arautzeko ordenantza" onartu zuen maiatzeko lehenengo udal bilkuran. Hainbat lekutan jartzen diren iragarkiek eragiten duten irudia saihestu nahian, herriko zazpi leku zehatzetan publizitatea ipintzeko panelak jartzea erabaki zen. Leku horietatik kanpo jarritako iragarkiak kendu egin beharko dira, eta ordenantza betetzen ez duenak isunak jaso ditzake.

**H**erri Batasuna eta Zutik izan ezik, beste alderdietako zinegotziek (EAJ, EA eta PSE) onartu egin zuten publizitatea arautzeko ordenantza. Erabakiarekin kalean eta etxeetako fatxadetan ipintzen diren iragarki, kartel eta antzerakoak modu arautu eta zentzuzkoan jarri daitezten lortu nahi du Udalak. Hala ere, ez da ordenantza honen menpean egongo "eskaparateetan dauden edo establezimenduen barruan jartzen diren kartelak, beraietan saltzen diren produktuei buruzkoak badira edo irabazteko asmorik gabeko kultur, kirol eta sozial elkarteek badira". Udalak onartutakoaren arabera, aurreko azalpenaren sartzan ez diren iragarki, kartel eta antzerakoei aplikatuko zaie ordenantza.

Mikel Larrea alkateak adierazi digunez, "orain arteko mezu denak berdin berdin jarri ahal izango dira baina erabakitako panel horietan ipini beharko dira. Guztientzako lekua geldituko da, baina logika batekin egin beharko da, zentzudunak izan beharko gara guztientzako lekua egon dadin. Asmoa ez da adierazpen askatasuna moztea baizik eta iragarkiak non ipintzen diren zaintzea".



Maristetako horma honetan ere panela ipiniko du Udalak.

#### Baimena eskatu edo isuna ordaindu

Ordenantzaren arabera, baimena eskatu beharko da udaletxean, erabakitako panel horietatik kanpo iragarkiak ipini ahal izateko. Alex Lakuntza ZUTIKeko zinegotziaren ustez, "hartutako erabakia kalea erabiltzen dugunon aurka doa zuzen-zuzenean. Herriko taldeekin adostutako erabakia izan beharko litzateke eta ez ordenantza bat. Panelak edo

leku zehatzak ipintzea ondo egon daiteke baina nire ustez, erabakia inposatu egin digute".

Panelak Kalebarren, Zurrategi, Herriko plaza, Ibarrondo, Antigua eta Errekalden orain arte erabili izan diren lekuetan ipiniko dira. Lekuotatik kanpo ezarritako kartelen arduradunek 10.000 PTA-ko isunak ordaindu beharko dituzte. Ordenantzaren jasotako arauak betetzen ez dituztenek ere isunak jasan ditzakete.

Non daude estatutoak?

Baimena eskatu beharko da Udaletxean  
paneletatik kanpo iragarkiak ipintzeko

**Keramika erakusketa**

Maiatzaren 22, 23 eta 24ko asteburuan, keramika ikastaroan aritu direnen lanak ikusteko aukera izango da. Erakusketa udaletxeko areto nagusian ipiniko dute, eta ikusteko moduan izango da eguerdiko 12:00etatik 14:00etara eta arratsaldeko 19:00etatik 20:30etara.

**Billar txapelketa**

Zapatuan, maiatzak 23, billar txapelketa jokatuko da Gaztetxean. Ping-ponga izan zen lehenengoa eta ondoren futbolin txapelketa antolatu zuten Gaztetxeoek. Zapatuan, berriz, billar txapelketa jokatuko da, arratsaldean zehar.

**Balkoi eta lore ederren lehiaketa**

Hirugarren urtez egingo den balkoi eta lore ederren lehiaketan hartuko dute parte etxearen kanpoaldean lorak dituzten antzuolar guztiek. 15.000 PTako bi sari banatuko dira, etxe zaharrak eta berriak bereiztuko baititu epaimahaiak. Sari banaketa San Juan bezperan egingo da, ekainaren 23an.


**Nortasun agiria berriztea**

Nortasun agiria edo karneta berritzeko dutenek Eibarrera joan beharko dute, aurtur ez delako izango Antzuolan egiteko aukerarik. Gainera, abizenak euskal grafiara aldatu dituztenek agiri bat eskatu beharko diete udaletxean, Epaitegiko langileei, gero karnetean aldaketa horiek agertzeko.

**Bits jaia**

Zapatuan, maiatzak 23, jolasean egiteko aukera aparta izango dute umeek Zurrategiko plazan. Iazko Antzuolako jaietan bezalaxe, zapatuan ere nahikoa bits izango dute Zurrategira gerturatzen diren umeek.

# Ekitaldiz beteriko



**URRUÑAKO IKASTOLAREN ALDE**

Eguerdiko hamabietan Urruñako ikastolaren proiektuaren nondik norakoak ezagutu zituzten udaletxean bildu zirenek. Urruñatik etortzen diren bi lagun aritu ziren orain arte egindakoa eta gaur egun duten arazorik larriena azaldu zuten. Urruñako alkateak azalduz erretik hitzemandako lur

la ez ematea erabaki duela eta, sinadurak ere bildu ziren alkatearen aurkezteko. Idolazek sinadurak jasotzen jarraituko du eta, bide batera, herriko elkartei eta udal korporazioari Urruñako ikastolakoen proiektuarekin bat egitea eskatuko die. Arratsaldean ikastolaren alde iragarria jasotzeko txistorra eta ardoa ipini ziren herriko plazan. Bestalde, Urruñakoa zen kalean jotzen jardun zuen txaranga, eta dantzan egiten zirenak aukera ere izan zen.



**BENITO ETA JAIONE ARDI-MOZTEN**

Jende dezente egon zen herriko ikastetxeko jolastokian Benito eta Jaionek bere alaba Jaionek egin behar zuten ardi-moztea ikusteko. Trebezia jardun zuten euren zereginetan Benitok eta Jaionek.



Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak  
Altzari rustikoetan  
espezializatuak

**LEKU-BERRI  
MERENDEROA**

**Janariak eta edariak**

Tf. 943 76 60 94

# On Isidroak

## SARALEGI ANAIK ETA MINDEGIA

Baserritarren egunean, aizkolariak eta harri-jasotzailea ere izan ziren. Nartxi Saralegi eta Mindegia aizkolariak aritu ziren aurrez aurre. Lehenengo norgehiagoka Saralegik irabazi zuen eta bigarrean, berriz, batera amaitu zuten. Tartean Migeltxo Saralegik 200 eta 250 kiloko harriak jasotzea lortu zuen.



## AIHERRA GEROZ ETA GERTUAGO

Aiherra kalearen inaugurazioa egin zuten San Isidro egunaren ospakizunekin batera. Aiherrako alkateak bisitaratu zuen kalearen izena daraman plaka. Herriko dantzariak aurrakua dantzatu zuten eta Aiherrakoek, berriz, bertso bat eskaini zioten Antzuolako herriari.



## igor eta Txomin

Pintura orokorrean.  
Paper, tela, binilo, kortxozko... estaldurak.  
Gotelesa, iztukuak eta  
bestelako imitazioak.

ANTZUOLA BERGARA  
☎ 943 76 60 39 ☎ 943 76 19 98

## Garbiñe

Ileapaindegia  
Estetika  
Solariuma

GERTA  
ZAITEZ  
UDARAKO!



Ondarre plaza 4, ANTZUOLA Tf. 943 76 61 56

## LARREA

## TABERNA

Kalebarren 17  
ANTZUOLA

# Komuniuak eta opariak

## Karmelean San Sebastianekin berriketan

Domekan soineko zuriak eta opariak nagusituko dira herrian. Hamabi haurrek, 6 mutil eta 6 neskak, lehen jaunartzea egingo dute. Lehen ere soineko zuriak ilusioa egiten ziren orain dela 50 urteko jaunartzeak? Horri buruz aritu gara Karmelean San Sebastianekin. Bera domekan lehen jaunartzea egingo dutenen katekista da. Beste lau lagunekin batera, DBHko lehenengo mailatik 6. mailara arteko neska-mutikoen heziketa erlijiosoaz arduratzen da.



# Z

er deritzozu gaur egungo lehen jaunartzeei?

Elizkizuna lehen eta orain antzerakua izeten da, baiña egoeria diferentia da. Lehen bazeguan erlijio aldetik beste giro bat, sinismen hori gehixao bizi zan, inportantzia gehixao emoten jakon. Gaur alde hortatikan hoztasun haundixa dago, umiak eztauke lehengo girua. Ikusi besterik eztago lehenengo jaunartzian umiei egitten jakuen baloraziñua. Batzuk sekulako erregaluak jasotzen dittue, beste batzuk apaltxuago, gutxitxuago jasotzen dittue. Katekistiaren lana izeten da hori ekilibratu eta beste alderdi batzuk baloratzen lagundu.

**Lehen ez al zen ezer oparitzen egun horretan?**

Nik komuniua egin nebanian erregalorik? Ba ez, pagatxoren bat edo baiña erregalorik ez. Gure denporetan etzan izeten oingo moduko solemnidadiak. Guk lehenengo jaunartzia egitten giñuan ostiral goiz baten eta jaixan egitten giñuana zan bigarren komuniua. Baiña oingo moduko erregalo barik. Orduan erregalua izengo zan gure amapun-

takuak egitten zoskuna, kumuniorako bihar bagiñuan zeozer, misal txiki bat, mantillaren bat, zapata zurixak... erlijio kutsuko zeozer izeten zan.

**Eta bazkaririk ez zen egiten?**

Oingo moduko gonbidautzak etzien egitten; amapuntakua eta etxe-gertuak alkartzen ziren. Baiña lehenengo jaunartzekuan etzan egitten gonbidautzarik eta ezebe, hori izeten zan 2. kumunian.

**Baina ilusioa egingo zizuen?**

Hilleko lehenengo eguakitza izeten zan komuniua eta bigarrena beti egitten

zan Aszentsio Egunian. Lehenengo komuniuan goizeko 8etako mezetan izeten zan eta ondorenian eskolara.

**Orduan, bigarren "komunioko" eguna izaten zen berezia?**

Neskak, behintzat, ilusiño mortala eukitzen giñuan soiñeko haura jazteko. Erregaluekin enaiz akordatzen, baiña soiñeko haura jazteko bai. Haren ondorenian Korpus Kristi eguna zetorren eta prozesiño inportantiena soiñekua izeten zan. Abadiak esaten zoskun "zuek eztaukuzue ilusiñoik egun horretarako, zuek trapuen ilusiñua daukuzue bazarrik". Akordatzen naiz gure aurretik komuniua egin bihar zebeak (maiatzaren 4an egin bihar zebeak, eta maiatzaren batian edurra ziharduan) jun zela abadian esatera soiñeko zurixa ezingo zela jantzi eta komunio solemne horren eguna atzeratzeko.



1967an 25 lagunek egin zuten lehen jaunartzea, aurtan 12k egingo dute.

“Orduan erregalua izengo zan misal txiki bat, mantillaren bat, zapata zurixak...”

**GOROSTI**  
**Taberna**

☎ 943 76 62 96  
Zurrategi plaza ANTZUOLA

**SURPE**  
**taberna**

Girorik  
jatorrena!

Herriko plaza 2, Antzuola  
Tf. 943 76 64 97



**DESKARGA**  
**AUTOAK**

Antigua auzoa z/g Antzuola.  
Tf. 943 76 62 75



IGELTSEROTZA

Jose Luis Zabalo

Birgaitzeak • Fatxadak  
Teilatuak • Sukalde eta bainu gela  
Kalegoi 9, 1a., ANTZUOLA. Tf. 943 76 60 00